



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2018 жылғы 12 қараша

ҚР Ұлттық Банкінде балаларға арналған
«Теңге балалардың көзімен» байқауының жеңімпаздары марапатталды



Бүгін Қазақстан Ұлттық Банкінде салтанатты түрде ұлттық валютамыз – теңгенің 25 жылдық мерейтойына орай банкноттар мен монеталардың ең үздік бейнесіне арналған балалар суреті байқауының жеңімпаздарын марапаттау рәсімі болып өтті. Марапаттау шеңберінде балаларға арналған «Ақша тарихы. Теңгемен бірге саяхат» атты кітаптың, сондай-ақ балаларға арналған республикалық «Ұлан» және «Дружные ребята» газеттерінде және жастарға арналған «OYLA» ғылыми-танымдық журналында шығатын балаларға арналған қаржылық сауаттылық жөніндегі қосымшалардың тұсаукесері болды.

Іс-шараға байқаудың жас қатысушылары, олардың шығармашылық жетекшілері, ата-аналары, Байқау комиссиясының мүшелері және бұқаралық ақпарат құралдарының өкілдері қатысты.

«Байқауға еліміздің барлық өңірлерінен 700-ден аса жұмыс келіп түсті. Байқау комиссиясының жеңімпаздарды анықтауы оңайға түскен жоқ. Барлық жұмыстар өте көркем, әрқайсысының өзіндік стилі, өзіндік орындау техникасы бар», – деп атап өтті марапаттау рәсімін ашу салтанатында ҚР Ұлттық Банкі Төрағасының орынбасары Дина Ғалиева. Ол барлық байқауға қатысушыларға шығармашылық табыс, жеңіс және шабыт тіледі.

Жас жеңімпаздар осындай шығармашылық байқау өткізгені үшін ҚР Ұлттық Банкіне алғыстарын білдірді. Байқау комиссиясы өкілдерінің айтуынша, байқауға қатысқан балалар нумизматика, бонистика, ақша тарихы саласында білім алып, халықаралық сарапшылар әлемдегі

ең әдемі және қорғалған валютаның бірі ретінде таныған Қазақстан ұлттық валютасының ерекшеліктерін білді.

Жеңімпаздардың бірі 12 жастағы Саян Байтеңізовтің монетасы дәл осындай: әдемі әрі ерекше болып шыққан. «Мен оны пейп-арт техникасымен жасадым. Бұл – ерекше декорға арналған қағаз сулық техникасы, – деді Саян. – Маған біздің монеталарымыз бен банкноттарымыз өте ұнайды. Олар – әлемдегі ең үздік монеталар мен банкноттар!».

«Мен түрлі ертегілерді ойдан шығарғанды ұнатамын. Монетаны салған кезімде мен өз ертегімнің желісін көрсетуге тырыстым», – деп өз ойымен бөлісті байқау жеңімпаздарының бірі 10 жастағы Виктория Волошина. Оның айтуынша, суреттегі қыран айды ұрлағысы келетін қара күш иелерін білдіреді, жамандықты жеңу үшін ең мықты батырды табу қажет.

Сегіз жастағы Ямина Аманова қазақ халқының тарихы мен салт-дәстүрін зерделегенді ұнататынын айтып берді. «Мен отбасылық ошақтың белгісі – шаңырақты салдым, түйе – Ұлы жібек жолының символы, сондай-ақ халқымызды тұрмысы мен мәдениетін салдым», – дейді Я.Аманова.

Жеңімпаздардың толық тізімі ҚРҰБ-ның Facebook-тегі ресми парақшасында орналастырылды(https://m.facebook.com/story.php?story_fbid=773643099694609&id=262186410840283).

Есте сала кетейік, банкноттар мен монеталардың ең үздік бейнесін салуға арналған «Теңге балалар көзімен» атты Қазақстан балаларының арасындағы ашық байқау ағымдағы жылғы 1 қыркүйек пен 26 қазан аралығындағы кезеңде өтті. Байқауға қатысқан балалар екі жас санаты бойынша бөлінген: 6 – 10 жас аралығы және 11 – 14 жас аралығы. Олардың әрқайсысы бойынша үш жүлделі орын белгіленген болатын.

Байқаудың негізгі мақсаты дарынды балаларды анықтау және ынталандыру, жас суретшілерге өздерінің шығармашылық әлеуетін ашуға және ұлттық валюта – теңгенің өздерінше көрсетуге мүмкіндік беру.

Толығырақ ақпаратты БАҚ өкілдері мынадай телефон бойынша алуына болады:
+7 (727) 704 585
e-mail: press@nationalbank.kz
www.nationalbank.kz